



সুলাই দা'ওয়া অফিস

ফোন 2414488 . 2410615 ফ্যাক্সের ওয়েবসাইট নং 232

আশুরাতে মুহাররম ও আমাদের করণীয়

মুহাম্মাদ আসাদুল্লাহ আল-গালিব

সম্পাদনায়ঃ
অফিসের প্রবাসী বিভাগ

বাঙ্গালী

আশূরায়ে মুহাররম ও আমাদের করণীয়

লেখকঃ

ডঃ মুহাম্মাদ আসাদুল্লাহ আল-গালিব

عاشوراء المحرم و واجباتنا

مؤلف: د. محمد أسد الله الغالب

আস-সুলাই ইসলামী দা'ওয়া সেন্টার

পোঃ বক্স নং ১৪১৯, রিযাদ ১১৪৩১, সৌদি আরব

ফোন ২৪১৪৪৮৮/২৪১০৬১৫, ফ্যাক্স ২৪১১৭৩৩

مكتب الدعوة بالسلي

© ১৯৯১, প্রথম মুদ্রণ: ১৯৯১, মুদ্রিত: ১৯৯১ - ২৫১৫৫৫৫ - ২৫১০৬১৫ মুদ্রিত: ২৫১১৭৩৩

আশূরায়ে মুহাররম

ও আমাদের করণীয়

আল্লাহ পাক বার মাসের মধ্যে চারটি মাসকে বিশেষ মর্যাদা দান করেছেন। সে চারটি মাস হ'ল মুহাররম, রজব, যুলক্বা'দাহ ও যুলহিজ্জাহ। অন্যভাবে বললে বলা যায় যে, যুলক্বা'দাহ হ'তে মুহাররম পর্যন্ত একটানা তিন মাস। অতঃপর পাঁচ মাস বিরতি দিয়ে 'রজব' মাস। এভাবে বছরের এক তৃতীয়াংশ তথা 'চার মাস' হ'ল 'হরম' বা সম্মানিত মাস। লড়াই-ঝগড়া, খুন-খারাবী ইত্যাদি অন্যায়-অপকর্ম হ'তে দূরে থেকে এর মর্যাদার প্রতি সম্মান প্রদর্শন করা প্রত্যেক মুসলমানের ধর্মীয় কর্তব্য। যেমন আল্লাহ তা'আলা বলেন,

(التوبة: ٣٦) ﴿يَا أَيُّهَا الَّذِينَ آمَنُوا لَا تَجْرِسُوا فِي الْآيَاتِ الْكُبْرَىٰ﴾

অর্থঃ 'এই মাসগুলিতে তোমরা পরস্পরের উপর অত্যাচার কর না' (তওবা, ৩৬)।

হযরত আবু-হুরায়রা (রাঃ) হ'তে বর্ণিত (রাসূলুল্লা-হ হাল্লাল্লা-হু আলাইহি অ-সাল্লাম) এরশাদ করেন,

أَفْضَلُ الصِّيَامِ بَعْدَ رَمَضَانَ شَهْرُ اللَّهِ الْمُحَرَّمُ وَأَفْضَلُ الصَّلَاةِ
بَعْدَ الرُّبُعَةِ صَلَاةُ اللَّيْلِ" (رواه مسلم)

অর্থঃ 'রামায়ানের পরে সর্বোত্তম ছিয়াম হ'ল মুহাররাম মাসের ছিয়াম অর্থাৎ আশূরার ছিয়াম এবং ফরয ছালাতের পরে সর্বোত্তম ছালাত হ'ল রাতের নফল ছালাত' অর্থাৎ তাহাজ্জুদের ছালাত (মুসলিম, মিশকাত হা/২০৩৯ 'নফল ছিয়াম' অনুচ্ছেদ, ঐ, বঙ্গানুবাদ হা/১৯৪১)।

২. হযরত আবু-ক্বাতাদাহ (রাঃ) হ'তে বর্ণিত (রাসূলুল্লা-হ ছাল্লাল্লা-হু আলাইহি অ-সাল্লাম) এরশাদ করেন,

অর্থঃ 'আশূরা বা ১০ই মুহাররমের ছিয়াম আমি আশা করি আল্লাহর নিকটে বান্দার বিগত এক বছরের (ছাগীরা) গোনাহের কাফফারা হিসাবে গণ্য হবে' (মুসলিম, মিশকাত হা/২০৪৪, ঐ, বঙ্গানুবাদ হা/১৯৪৬)।

আয়েশা (রাঃ) বলেন,

صَامَهُ وَأَمَرَ النَّاسَ بِصِيَامِهِ فَلَمَّا فُرِضَ رَمَضَانُ قَالَ: مَنْ شَاءَ
صَامَهُ وَمَنْ شَاءَ تَرَكَهُ" (رواه البخاري)

অর্থঃ ‘জাহেলী যুগে কুরায়েশগণ আশূরার ছিয়াম পালন করত। (রাসূলুল্লা-হ ছাল্লাল্লা-হু আলাইহি অ-সাল্লাম) ও তা পালন করতেন। মদীনায় হিজরতের পরেও তিনি পালন করেছেন এবং লোকদেরকে তা পালন করতে বলেছেন। কিন্তু (২য় হিজরী সনে) যখন রামায়ান মাসের ছিয়াম ফরয হ’ল, তখন তিনি বললেন, যে ব্যক্তি ইচ্ছা কর আশূরার ছিয়াম পালন কর এবং যে ব্যক্তি ইচ্ছা কর তা পরিত্যাগ কর’ (বুখারী ফাতহুল বারী সহ, কায়রো ছাপাঃ ১৪০৭/১৯৮৭, হা/২০০২ ‘ছওম অধ্যায়’)।

হযরত মু‘আবিয়া বিন আবু-সুফিয়ান (রাঃ) মদীনার মসজিদে নববীতে খুৎবা দানকালে বলেন, ‘আমি (রাসূলুল্লা-হ ছাল্লাল্লা-হু আলাইহি অ-সাল্লাম) -কে বলতে শুনেছি যে,

مَنْ صَامَ رَمَضَانَ تَمَرَّتْ أَسْفَلُ عَيْنَيْهِ
وَمَنْ صَامَهُ تَمَرَّتْ أَسْفَلُ عَيْنَيْهِ
وَمَنْ صَامَهُ تَمَرَّتْ أَسْفَلُ عَيْنَيْهِ

অর্থঃ 'আজ আশুরার দিন। এদিনের ছিয়াম তোমাদের উপরে আল্লাহ ফরয করেননি। তবে আমি ছিয়াম রেখেছি। এক্ষণে তোমাদের মধ্যে যে ইচ্ছা কর ছিয়াম পালন কর, যে ইচ্ছা কর পরিত্যাগ কর'। (বুখারী, ফাতহুল বারী সহ হা/২০০৩, মুসলিম, হা/১১২৯ 'ছিয়াম' অধ্যায়)।

৫. (ক) হযরত আব্দুল্লাহ বিন আব্বাস (রাঃ) বলেন, (রাসূলুল্লা-হ ছাল্লাল্লা-হু আলাইহি অ-সাল্লাম) মদীনায় হিজরত করে ইহুদীদেরকে আশুরার ছিয়াম রাখতে দেখে কারণ জিজ্ঞেস করলে তারা বলেন,

অর্থঃ 'এটি একটি মহান দিন। এদিনে আল্লাহ পাক হযরত মূসা (আঃ) ও তাঁর কওমকে নাজাত দিয়েছিলেন এবং ফেরাউন ও তার লোকদের ডুবিয়ে মেরেছিলেন। তার শুকরিয়া হিসাবে মূসা (আঃ) এ দিন ছিয়াম পালন

করেন। অতএব আমরাও এ দিন ছিয়াম পালন করি। তখন (রাসূলুল্লা-হ ছাল্লাল্লা-হু আলাইহি অ-সাল্লাম) বললেন, তোমাদের চাইতে আমরাই মূসা (আঃ)-এর (আদর্শের) অধিক হকদার ও অধিক দাবীদার। অতঃপর তিনি ছিয়াম রাখেন ও সকলকে রাখতে বলেন' (যা পূর্ব থেকেই তাঁর রাখার অভ্যাস ছিল) (মুসলিম হা/১১৩০)।

(খ) হযরত আবু-মূসা আশ'আরী (রাঃ) হ'তে বর্ণিত হয়েছে যে, আশূরার দিনকে ইহুদীরা ঈদের দিন হিসাবে মান্য করত। এ দিন তারা তাদের স্ত্রীদের অলংকার ও উত্তম পোষাকাদি পরিধান করাতো' (মুসলিম হা/১১৩১, বুখারী ফাতহুল বারী সহ হা/২০০৪)।

(গ) ইবনু আব্বাস (রাঃ) হ'তে অন্য বর্ণনায় এসেছে যে, লোকেরা বলল, হে আল্লাহর রাসূল! (ছাল্লাল্লা-হু আলাইহি অ-সাল্লাম) ইহুদী ও নাছারাগণ ১০ই মুহাররম আশূরার দিনটিকে সম্মান করে। তখন (রাসূলুল্লা-হ ছাল্লাল্লা-হু আলাইহি অ-সাল্লাম) বললেন,

অর্থঃ ‘আগামী বছর বেঁচে থাকলে ইনশা‘আল্লাহ আমরা ৯ই মুহাররম সহ ছিয়াম রাখব’। রাবী বলেন, কিন্তু পরের বছর মুহাররম আসার আগেই তার মৃত্যু হয়ে যায় (মুসলিম হা/১১৩৪)।

৬. হযরত আব্দুল্লাহ বিন আব্বাস (রাঃ) হ’তে বর্ণিত অন্য হাদীছে (রাসূলুল্লা-হ ছাল্লাল্লা-হু আলাইহি অ-সাল্লাম) এরশাদ করেন,

”كَيْفَ تَمُوتُ يَوْمَ عَاشُورَاءَ وَخَالَفُوا الْيَهُودَ بِمَسْئُومًا قَتَلُوا يَوْمًا أَوْ

يَوْمًا يَوْمًا“ (رواه البيهقي)

অর্থঃ ‘তোমরা আশূরার সাথে তার পূর্বে একদিন বা পরে একদিন ছিয়াম পালন কর’ (বায়হাক্বী ৪র্থ খন্ড ২৮৭পৃঃ)। বর্ণিত অত্র রেওয়য়াতটি ‘মারফু’ হিসাবে ছহীহ নয়, তবে মাওকুফ হিসাবে ‘ছহীহ’।

দ্রঃ হাশিয়া ছহীহ ইবনু খুযায়মা হা/২০৯৫, ২/২৯০ পৃঃ।

অতএব ৯, ১০ বা ১০, ১১ দু’দিন ছিয়াম রাখা উচিত। তবে ৯, ১০ দু’দিন রাখাই সর্বোত্তম।

*** উপরোক্ত হাদীছ সমূহ পর্যালোচনা করলে কয়েকটি বিষয় স্পষ্ট হয়ে উঠে। যেমন-

১. আশুরার ছিয়াম ফেরাউনের কবল থেকে নাজাতে হযরত মূসা (আঃ)-এর শুকরিয়া হিসাবে পালিত হয়।

২. এই ছিয়াম মূসা, ঈসা ও মুহাম্মাদী শরী'আতে চালু ছিল। আইয়ামে জাহেলিয়াতেও আশুরার ছিয়াম পালিত হ'ত।

৩. ২য় হিজরীতে রামাযানের ছিয়াম ফরয হওয়ার আগ পর্যন্ত এই ছিয়াম সকল মুসলমানের জন্য পালিত ছিয়াম হিসাবে গণ্য হত।

৪. রামাযানের ছিয়াম ফরয হওয়ার পরে এই ছিয়াম ঐচ্ছিক ছিয়ামে পরিণত হয়। তবে (রাসূলুল্লা-হ ছাল্লাল্লা-হু আলাইহি অ-সাল্লাম) নিয়মিত এই ছিয়াম ঐচ্ছিক হিসাবেই পালন করতেন। এমনকি মৃত্যুর বছরেও পালন করতে চেয়েছিলেন।

এই ছিয়ামের ফযীলত হিসাবে বিগত এক বছরের গোনাহ মাফের কথা বলা হয়েছে। এত বেশী নেকী আরাফার দিনের নফল ছিয়াম ব্যতীত অন্য কোন নফল ছিয়ামে নেই।

৬. আশুরার ছিয়ামের সাথে হযরত হুসায়েন বিন আলী (রাঃ)-এর জন্ম বা মৃত্যুর কোন সম্পর্ক নেই। হুসায়েন (রাঃ)-এর জন্ম মদীনায় ৪র্থ হিজরীতে এবং মৃত্যু ইরাকের কুফা নগীরর নিকটবর্তী কারবালায় ৬১হিজরীতে (রাসূলুল্লা-হ ছাল্লাল্লা-হু আলাইহি অ-সাল্লাম)-এর মৃত্যুর ৫০ বছর পরে হয়।

মোট কথা আশূরায়ে মুহাররমে এক বা দু'দিন স্রেফ নফল ছিয়াম ব্যতীত আর কিছুই করার নেই। শাহাদতে হুসায়েনের নিয়তে ছিয়াম পালন করলে ছওয়াব পাওয়া যাবে না। কারণ কারবালার ঘটনার ৫০বছর পূর্বেই ইসলাম পরিপূর্ণতা লাভ করেছে এবং অহি-র আগমন বন্ধ হয়ে গেছে।

আশুরার বিদ'আত সমূহঃ

আশুরায়ে মুহাররম আমাদের দেশে শোকের মাস হিসাবে আগমন করে। শী'আ, সন্নী সকলে মিলে অগণিত শিরক ও বিদ'আতে লিপ্ত হয়। কোটি কোটি টাকার অপচয় হয় বিভিন্ন অনুষ্ঠানের নামে। সরকারী ছুটি ঘোষিত হয় ও সরকারীভাবে বিভিন্ন অনুষ্ঠানাদি পালিত হয়। হুসায়েনের ভূয়া কবর তৈরী করে রাশায় তা'যিয়া বা শোক মিছিল করা হয়। ঐ ভূয়া কবরে হুসায়েনের রুহ হাযির হয় ধারণা করে তাকে সালাম করা হয়। তার সামনে মাথা ঝুঁকানো হয়। সেখানে সিজদা করা হয়। মনোবাজ্ঞা পূরণ করার জন্য প্রার্থনা করা হয়। মিথ্যা শোক প্রদর্শন করে বুক চাপড়ানো হয়, বুকের কাপড় ছিড়ে ফেলা হয়। 'হায় হোসেন' 'হায় হোসেন' বলে মাতম করা হয়। রক্তের নামে লাল রং ছিটানো হয়। রাশ-ঘাট সাজানো হয়। লাঠি-তীর বল্লম নিয়ে বুকের মহড়া দেওয়া হয়। হুসায়েনের নামে কেক ও প্যাউকলাটি বানিয়ে 'বরকতের পিঠা' বলে বেশী দামে বিক্রি করা হয়। হুসায়েনের নামে 'মোরগ' পুকুরে ছুঁড়ে ফেলে যুবক-যুবতীরা পুকুরে ঝাঁপিয়ে পড়ে ঐ বরকতের

মোরগ ধরার প্রতিযোগিতায় মেতে ওঠে। সুসজ্জিত অশ্বারোহা দল মিছিল করে কারবালা যুদ্ধের মহড়া দেয়। কালো পোশাক পরিধান বা কালো ব্যাজ ধারণ করা হয় ইত্যাদি। এমনকি অনেকে শোকের মাস ভেবে এই মাসে বিবাহ-শাদী করা অন্যায মনে করে থাকেন। ঐ দিন অনেকে পানি পান করা এমনকি শিশুর দুধ পান করানোকেও অন্যায ভাবেন।

ওদিকে উগ্র শী'আরা কোন কোন ইমাম বাড়'তে হযরত আয়েশা (রাঃ)-এর নামে বেঁধে রাখা একটি বকরীকে লাঠিপেটা করে ও আস্ত্রাঘাতে রক্তাক্ত করে বদলা নেয় ও উল্লাসে ফেটে পড়ে। তাদের ধারণা মতে আয়েশা (রাঃ)-এর পরামর্শক্রমেই আবু-বকর (রাঃ) (রাসূলুল্লা-হ ছাল্লাল্লা-হু আলাইহি অ-সাল্লাম)-এর অসুখের সময় জামা'আতে ইমামতি করেছিলেন ও পরে খলীফা নির্বাচিত হয়েছিলেন। সে কারণ আলী (রাঃ) খলীফা হ'তে পারেননি (নাউযুবিল্লাহ)। হযরত উম্মার, হযরত উসমান, হযরত মুআবিয়া, হযরত মুগীরা বিন শো'বা (রাঃ) প্রমুখ জলীলুল কুদর ছাহাবীকে এ সময় বিভিন্নভাবে গালি দেওয়া হয়।

এ ছাড়াও রেডিও-টিভি, পত্র-পত্রিকা, কলেজ ও বিশ্ববিদ্যালয় সমূহ বিভিন্ন অনুষ্ঠানের মাধ্যমে একথা বুঝাতে চেষ্টা করে যে, আশুরায়ে মুহাররমে মূল বিষয় হ'ল শাহাদাতে হুসায়েন (রাঃ) বা কারবালার মর্মান্বিক ঘটনা। চেষ্টা করা হয় এটাকে হক ও বাতিলের লড়াই হিসাবে প্রমাণ করতে। চেষ্টা করা হয় হুসায়েনকে মা'ছুম ও ইয়াযীদরকে মাল'উন প্রমাণ করতে। অথচ প্রকৃত সত্য এসব থেকে অনেক দূরে।

আশুরা উপলক্ষে প্রচলিত উপরোক্ত বিদ'আতী অনুষ্ঠানাদির কোন অস্তিত্ব এবং অশুদ্ধ আক্বীদা সমূহের কোন প্রমাণ ছাহাবায়ে কেরামের যুগে পাওয়া যায় না। আল্লাহ ব্যতীত কাউকে সিজদা করা যেমন হারাম, তা'যিয়ার নামে ভূয়া কবর যেয়ারত করাও তেমনি মুর্তি পূজার শামিল। যেমন (রাসূলুল্লা-হ ছাল্লাল্লা-হু আলাইহি অ-সাল্লাম) এরশাদ করেন

অর্থঃ 'যে ব্যক্তি লাশ ছাড়াই ভূয়া কবর যেয়ারত করল, সে যেন মুর্তিকে পূজা করল'। (বায়হাক্বী, তাবারাগী,

গৃহীতঃ আওলাদ হাসান কান্নৌজী 'রিসালাতু তাম্বীহিয়া যাল্লীন' বরাতেঃ ছালাহুদ্দীন ইউসুফ 'মাহে মহররাম ও মউজুদাহ মুসলমান', লাহোরঃ ১৪০৬ হিঃ, পৃঃ ১৫)।

এতদ্ব্যতীত কোনরূপ শোকগাথা বা মর্গিয়া অনুষ্ঠান বা শোক মিছিল ইসলামী শরী'আতের পরিপন্থী। কোন কবর বা সমাধিসৌধ, শহীদ মিনার বা স্মৃতি সৌধ, শিখা অনির্বাণ বা শিখা চিরন্মন ইত্যাদিকে শ্রদ্ধাঞ্জলি নিবেদন করাও একই পর্যায়ে পড়ে।

অনুরূপভাবে সবচেয়ে বড় কবীরা গোনাহ হ'ল ছাহাবায়ে কেলামকে গালি দেওয়া। (রাসূলুল্লা-হ ছাল্লাল্লা-হু আলাইহি অ-সাল্লাম) এরশাদ করেন,

لَعْنَةُ اللَّهِ عَلَى الْفِتْيَانِ الَّذِينَ يَلْعَنُونَ رِجَالَنَا وَيَلْعَنُونَ نِسَاءَنَا
 "The curse of Allah is upon the young men who curse our men and our women."

অর্থঃ 'তোমরা আমার ছাহাবীগণকে গালি দিয়ো না। কেননা (তঁারা এমন উচ্চ মর্যাদার অধিকারী যে,) তোমাদের কেউ যদি ওহোদ পাহাড় পরিমাণ সোনাও আল্লাহর রাশ্য ব্যয় করে, তবুও তাদের এক মুদ বা অর্ধ মুদ অর্থাৎ সিকি ছা' বা তার অর্ধেক পরিমাণ (যব খরচ)- এর সমান ছওয়াব পর্যন্ত পৌঁছতে পারবে না'

(মুত্তাফাকু আলাইহ, মিশকাত হা/৫৯৯৮ 'ছাহাবীগণের মর্যাদা' অনুচ্ছেদ। ঐ, বঙ্গানুবাদ হা/৫৭৫৪)।

শোকের নামে দিবস পালন করা, বুক চাপড়ানো ও মাতম করা ইসলামী রীতি নয়। (রাসূলুল্লা-হ ছাল্লাল্লা-হু আলাইহি অ-সাল্লাম) এরশাদ করেন,

لَيْسَ مِنَّا مَنْ ضَرَبَ الْخُدُودَ وَشَقَّ الْجُيُوبَ وَدَعَا

بِدَعْوَى الْجَاهِلِيَّةِ" (رواه البخاري والمسلم ...)

অর্থঃ 'ঐ ব্যক্তি আমাদের দলভুক্ত নয়, যে ব্যক্তি শোকে নিজ মুখে মারে, কাপড় ছিঁড়ে ও জাহেলী যুগের ন্যায় মাতম করে' (বুখারী ও মুসলিম, মিশকাত হা/১৭২৫ জানাযা অধ্যায়)।

অন্য হাদীছে এসেছে যে, 'আমি ঐ ব্যক্তি হ'তে দায়িত্ব মুক্ত, যে ব্যক্তি শোকে মাথা মুগুন করে, উচ্চঃস্বরে কাদে ও কাপড় ছিঁড়ে' (বুখারী ও মুসলিম, মিশকাত হা/১৭২৬)।

অধিকন্তু ঐ সব শোক সভা বা শোক মিছিলে বাড়াবাড়ি করে সৃষ্টি ও সৃষ্টিকর্তার পাথক্য মিটিয়ে দিয়ে হোসায়েন কবরে রুহের আগমন কল্পনা করা, সেখানে সিজদা করা, মাথা ঝুকানো, প্রার্থনা নিবেদন করা ইত্যাদি পরিষ্কার ভাবে পিঠিক।

বিদ'আতের সূচনাঃ

আব্বাসীয় খলীফা মুত্বী' বিন মুকতাদিরের সময়ে (৩৩৪-৩৬৩হিঃ / ৯৪৬-৯৭৪ খৃঃ) তাঁর কটর শী'আ আমীর আহমাদ বিন বৃইয়া দায়লামী ওরফে 'মুইয্যুদ্দৌলা' ৩৫১হিজরীতে ১৮ই যিলহজ্জ তারিখে বাগদাদে হযরত ওছমান (রাঃ)- এর শাহাদাত বরণের তারিখকে তাদের হিসাবে খুশির দিন মনে করে 'ঈদের দিন' (عيد غدیر خم) হিসাবে ঘোষণা করেন। শী'আদের নিকটে এই দিনটি পরবর্তীতে ঈদুল আযহার চাইতেও গুরুত্ব পায়। অতঃপর ৩৫২হিজরীর শুরুতে ১০ই মুহাররমকে তিনি 'শোক দিবস' ঘোষণা করেন এবং সকল দোকান-পাট, ব্যবসা-বানিজ্য, অফিস-আদালত বন্ধ করে দেন ও মহিলাদেরকে শোকে চুল ছিঁড়তে, চেহারা কালো করতে, রাশায় নেমে শোকগাথা গেয়ে চলতে বাধ্য করেন। শহর ও গ্রামের সর্বত্র সকলকে শোক মিছিলে যোগদান করতে নির্দেশ দেন। শী'আরা খুশী মনে এই নির্দেশ পালন করে। কিন্তু সুন্নীরা চুপ হয়ে যান। পরে সুন্নীদের উপরে এই ফরমান জারি করা হলে ৩৫৩হিজরীতে উভয় দলে ব্যাপক সংঘর্ষ বেধে

যায়। ফলে বাগদাদে তীব্র নাগরিক অসন্তোষ ও সামাজিক অশান্তি সৃষ্টি হয়। (ইবনু আছীর, তারীখ, ৮/১৮৪ পৃঃ, গৃহীতঃ মাহে মুহাররাম পৃঃ ১৮-২০)।

বলা বাহুল্য বাগদাদের সুন্নী খলীফার শক্তিশালী শী'আ আমীর মুইযুদ্দৌলার চালু করা এই বিদ'আতী রীতির ফলশ্রুতিতে আজও ইরাক, ইরান, পাকিস্তান ও ভারত সহ বিভিন্ন মুসলিম এলাকায় আশূরার দিন চলছে শী'আ-সুন্নী পরস্পরে গোলযোগ ও রক্তক্ষয়ী সংঘর্ষ।

হক ও বাতিলের লড়াই ?

কারবালার মর্মান্বিক ঘটনা যেকোন নিরপেক্ষ মু'মিনের হৃদয়কে ব্যথিত করে। কিন্তু তাই বলে এটাকে হক ও বাতিলের লড়াই বলে আখ্যায়িত করা চলে কি? যদি তাই করতে হয়, তবে হোসায়েন (রাঃ)-কে কূফায় যেতে বারবার নিষেধকারী এবং ইয়াযীদের (২৭-৬৪ হিঃ) হাতে আনুগত্যের বায়'আত গ্রহণকারী বাকী সকল ছাহাবীকে আমরা কি বলব? যাঁরা হোসায়েন (রাঃ) নিহত হওয়ার পরেও কোনরূপ প্রতিবাদ বা প্রতিরোধ গড়ে তোলেননি। মু'আবিয়া (রাঃ)-এর মৃত্যুর পরে ঐ সময়ে জীবিত প্রায় ৬০জন ছাহাবীসহ তৎকালীন ইসলামী বিশ্বের প্রায় সকল কেন্দ্রীয় নেতৃবৃন্দ পরবর্তী খলীফা হিসাবে ইয়াযীদের হাতে বায়'আত গ্রহণ করেন। (ইবনু রাজাব, যায়লু তাবাক্বা-তিল হানাবিলাহ, ২য় খন্ড পৃঃ৩৪ বর্ণনাঃ আব্দুল গনী মাকদেসা, ৬০১-৭০০হিঃ)।

কেবল মাত্র মদীনার চারজন ছাহাবী বায়'আত নিতে বাকী ছিলেন। হযরত আব্দুল্লা-হ বিন ওমর, আব্দুল্লা-হ বিন আব্বাস, আব্দুল্লা-হ বিন যুবায়ের ও

হুসায়েন বিন আলা (রাঃ)। প্রথমোক্ত দু'জন পরে
 বায়'আত করেন। শেষোক্ত দু'জন গড়িমসি করলে
 হযরত আব্দুল্লা-হ বিন ওমর (রাঃ) তাদেরকে লক্ষ্য করে
 বলেন,

"اِنَّيَا اللّٰهَ ۚ وَلَا تُفَرِّقَا بَيْنَ جَمَاعَةِ الْمُسْلِمِيْنَ"

অর্থঃ 'আপনারা আল্লাহকে ভয় করুন! মুসলিম উম্মাহর
 মধ্যে বিভক্তি সৃষ্টি করবেন না'। (ইবনু কাসীর, আল-
 বিদায়াহ অন-নিহায়া, বৈরুত, দারুল কুতুবিল ইলমিয়াহ,
 তাবি, ৮ম খন্ড পৃঃ ১৫০)।

হুসায়েন (রাঃ) ও আব্দুল্লা-হ ইবনু যুবায়ের (রাঃ)
 দু'জনেই মদীনা থেকে মক্কায় চলে যান। সেখানে কূফা
 থেকে দলে দলে লোক এসে হুসায়েন (রাঃ)-কে কূফায়
 যেয়ে তাদের আনুগত্যের বায়'আত গ্রহন করতে
 অনুরোধ করতে থাকে। কূফার নেতাদের কাছ থেকে
 ১৫০টি লিখিত অনুরোধ পত্র তাঁর নিকটে পৌছে।
 (আল-বিদায়াহ ৮/১৫৪) তিনি স্বীয় চাচাতো ভাই সুসলিম
 বিন আক্কীল (রাঃ)-কে কূফায় প্রেরণ করেন। সেখানে
 ১২ থেকে ১৮ হাজার লোক হুসায়েন (রাঃ)-এর পক্ষে
 মুসলিম-এর হাতে আনুগত্যের বায়'আত গ্রহন করে।

মুসলিম বিন আক্কীল (রাঃ) সরল মনে হুসায়েন (রাঃ)-কে কূফায় আসার আমন্ত্রন জানিয়ে পত্র পাঠান। সেই পত্র পেয়ে হুসায়েন (রাঃ) হজ্জের একদিন পূর্বে মক্কা হ'তে কূফা অভিমুখে রওয়ানা হন। হুসায়েন (রাঃ)-এর আগমনের খবর জানতে পেরে কূফার গভর্নর নু'মান বিন বাশীর (রাঃ) জনগণকে ডেকে বিশংখলা না ঘটাতে উপদেশ দেন। কোনরূপ কঠোরতা প্রয়োগ করা হ'তে তিনি বিরত থাকেন। ফলে কুচক্রীদের পরামর্শে তিনি পদচ্যুত হন ও বছরার গভর্নর ওবায়দুল্লা-হ বিন যিয়াদকে একই সাথে কূফার দায়িত্ব দেওয়া হয়। তিনি প্রথমেই মুসলিম বিন আক্কীলকে গ্রেফতার করে হত্যা করেন। তখন সকল কূফাবাসী হুসায়েন (রাঃ)-এর পক্ষ ত্যাগ করেন। ইতিমধ্যে হুসায়েন (রাঃ) কূফার সন্নিকটে পৌঁছে যান। ইবনে যিয়াদ প্রেরিত সেনাপতি তখন তার গতিরোধ করে। সমস্ব ঘটনা বুঝতে পেরে হযরত হুসায়েন (রাঃ) তখন ইবনে যিয়াদের নিকটে নিম্নোক্ত তিনটি প্রশ্নের যে কোন একটি মেনে নেওয়ার জন্য সন্ধি প্রশ্ন পাঠান।

اخْتَرْتُ مِنِّي اِحْدَى ثَلَاثٍ : اِمَّا اَنْ اُلْحِقَ بِبِثَغْرِ مِّن
 الثُّغُورِ وَاِمَّا اَنْ اَرْجِعَ اِلَى الْمَدِيْنَةِ وَاِمَّا اَنْ اَضْعُ يَدِي فِي يَدِ
 يَزِيْدَ بِنِ مَعَاوِيَةَ.

- ১- আমাকে সীমান্তের কোন এক স্থানে চলে যাওয়ার অনুমতি দেওয়া হৌক। অথবা আমাকে
- ২- মদীনায় ফিরে যাওয়ার অনুমতি দেওয়া হৌক। অথবা
- ৩- আমাকে ইয়াযীদের হাতে হাত রেখে বায়'আত গ্রহণের সুযোগ দেওয়া হৌক।

(ইবনু-হাজার, আল-ইছাবাহ ২/২৫২। ইবনু কাছীর, আল-বিদায়াহ ৮/১৭১)।

সেনাপতি আমর বিন সা'আদ বিন আবী ওয়াকক্বাছ উক্ত পশাব সমূহ মেনে নিলেও দুষ্টমতি ইবনে যিয়াদ তা নাকচ করে দেন ও প্রথমে ইয়াযীদের পক্ষে তার হাতে বায়'আত করার নির্দেশ পাঠান। হুসায়েন (রাঃ) সঙ্গত কারণেই তা প্রত্যাখ্যান করেন ও সংঘর্ষ অবশ্যম্ভাবী হয়ে পড়ে। ফলে তিনি সপরিবারে নির্মমভাবে নিহত হন (ইন্না লিল্লা-হে অ-ইন্না ইলাইহে রাজে'উন)।

প্রত্যক্ষদর্শী জীবিত পুরুষ হযরত আলী বিন হুসায়েন ওরফে ‘যয়নুল আবেদীন’ (রাঃ)- এর পুত্র শী‘আদের সম্মানিত ইমাম আবু-জা‘ফর মুহাম্মদ বিন আলী বিন হুসায়েন (রাঃ) ওরফে ইমাম বাক্কের (রাঃ)- এর সাক্ষ্য ঠিক অনুরূপ, যা হাফেয ইবনু হাজার আসক্বালানা স্বীয় গ্রন্থ ‘তাহযীবুত তাহযীব’-এ (২য় খন্ড পৃঃ ৩০১-৩০৫) এবং হাফেয ইবনু কাছীর স্বীয় ‘আল-বিদায়াহ অন-নিহায়াহ’ তে (৮ম খণ্ড পঃ ১৯৮- ২০০) ত্বাবারীর বরাতে উল্লেখ করেছেন। ইমাম বাক্কের বলেন, যখন বিরোধী পক্ষের নিক্ষিপ্ত একটি তীর এসে হুসায়েনের কোলে আশ্রিত শিশুপুত্রের বক্ষ ভেদ করে, তখন তিনি বিশ্বাসঘাতক কুফাবাসীদের দায়া করে বলেন,

اللَّهُمَّ احْكُمْ لَنَا وَبَيْنَ قَوْمٍ دَعَوْنَا لِنُنْصِرُوْنَا ثُمَّ

عَدُوْنَا

অর্থঃ ‘হে আল্লাহ! তুমি ফায়ছালা কর আমাদের মধ্যে এবং ঐ কওমের মধ্যে, যারা আমাদেরকে সাহায্যের নাম করে ডেকে এনে হত্যা করছে’। (ইবনু হাজার, তাহযীবুত তাহযাব ২/৩০৪পৃঃ। আল-বিদায়াহ ৮/১৯৯ পৃঃ। দুঃখ লাগে এই ভেবে যে, যারা প্রতারণা করে

ডেকে এনে হযরত হুসাইন (রাঃ)-কে হত্যা করেছিল, সেই কুফাবাসী ইরাকীরাই বড় হুসাইন প্রেমিক সেজে ঘটা করে শোক পালন ও তা'যিয়া মিছিল করছে। আর সুন্নীদেরকে গালী দিচ্ছে। -লেখক)।

উপরের আলোচনায় পতীয়মান হয় যে, কারবালার ঘটনাটি ছিল নিতান্নাই রাজনৈতিক মতবিরোধের একটি দুঃখজনক পরিণতি। এই মর্মান্তিক ঘটনাটির জন্য মূলতঃ দায়ী ছিল বিশ্বাসঘাতক কুফাবাসীরা ও নিষ্ঠুর গভর্নর ওবায়দুল্লা-হ বিন যিয়াদ নিজে। কেননা ইয়াযীদ কেবলমাত্র হুসায়েন (রাঃ)-এর আনুগত্য চেয়েছিলেন, তাঁর খুন চাননি। হুসায়েন (রাঃ) আনুগত্য দিতেও প্রস্তুত ছিলেন। ইয়াযীদ স্বীয় পিতার অছিয়ত অনুযায়ী হুসায়েন (রাঃ)-কে সর্বদা সম্মান করেছেন এবং তখনও করতেন। ইতিপূর্বে হুসায়েন (রাঃ) ও আব্দুল্লাহ বিন যোবায়ের (রাঃ) অন্যান্য ছাহাবীগণের সাথে ইয়াযীদের সেনাপতিত্বে ৪৯ মতান্নরে ৫১হিজরীতে রোমকদের রাজধানী কনষ্টান্টিনোপল বিজয়ের অভিযানেও অংশ গ্রহণ করেছিলেন।

যখন হুসায়েন (রাঃ)-এর মস্ক নিয়ে এসে ইয়াযীদের সামনে রাখা হয়, তখন তিনি কেঁদে উঠে বলেছিলেন,

لَعَنَ اللَّهُ ابْنَ مَرْجَانَةَ يَعْنِي عُبَيْدَ اللَّهِ بْنِ زِيَادٍ، أَمَا وَاللَّهِ لَوْ
 كَانَ بَيْنَهُ وَبَيْنَ الْحُسَيْنِ رَحِمٌ لَمَا قَتَلَهُ : وَقَدْ كُنْتُ أَرْضَى مِنْ
 طَاعَةِ أَهْلِ الْعِرَاقِ بِدُونِ قَتْلِ الْحُسَيْنِ . (مختصر منهاج
 السنة: ٣٥٠/١)

অর্থঃ ‘ওবায়দুল্লাহ-হ বিন যিয়াদের উপরে আল্লাহ পাক
 লা’নত করুন! আল্লাহর কসম যদি হুসায়েনের সাথে ওর
 রক্তের সম্পর্ক থাকত, তাহ’লে সে কিছুতেই উনাকে
 হত্যা করত না’। তিনি আরও বলেন যে, ‘হুসায়েন
 (রাঃ)-এর খুন ছাড়াও আমি ইরাকীদেরকে আমার
 আনুগত্যে রাখী করাতে পারতাম’। (ইবনু তারায়ম্বাহ,
 মুখতাছার মিনহাজুস সুন্নাহ, রিয়াযঃ মাকতাবাতুল কাওছার
 ১ম সংস্করণ ১৪১১/১৯৯১, ১ম খন্ড পৃঃ ৩৫০। একই মর্মে
 বর্ণনা এসেছে, আল-বিদায়া অন-নিহায়াহ ৮ম খন্ড পৃঃ ১৭৩)।

অন্য বর্ণনায় পাওয়া যায়, ইয়াযীদ আরও বলেন
 যে, ‘ইবনে যিয়াদের উপরে আল্লাহ লা’নত করুন! সে
 হুসায়েন (রাঃ)-কে কোনঠাসা ও বাধ্য করেছে। তিনি
 ফিরে যেতে চেয়েছিলেন অথবা আমার নিকটে আসতে
 চেয়েছিলেন অথবা কোন এক মুসলিম সীমানে গিয়ে
 আমৃত্যু জীবন কাটাতে চেয়েছিলেন। কিন্তু সে সবকিছু

প্রত্যাখ্যান করে ও তাঁকে হত্যা করে। এর ফলে সে আমাকে মুসলমানদের বিদ্বেষের শিকারে পরিণত করেছে। তাদের হৃদয়ে আমার বিরুদ্ধে শত্রুতার বীজ বপন করেছে। ভাল-মন্দ সকল প্রকারের লোক হুসায়েন (রাঃ)-এর হত্যার মহা অপরাধে আমাকে দায়ী করবে ও আমার প্রতি বিদ্বেষ পোষণ করবে। হায়! আমার কি হবে ও ইবনু মারজানার (ইবনে যিয়াদের) কি হবে! আল্লাহ তাকে মন্দ করুন ও তার উপরে গযব নাযিল করুন'। (আল-বিদায়াহ ৮ম খন্ড পৃঃ ২৩৫)।

হুসায়েন (রাঃ)-এর পরিবারের স্ত্রী-কন্যা ও শিশুগণ ইয়াযীদের প্রাসাদে প্রবেশ করলে প্রাসাদে কান্নার রোল পড়ে যায়। ইয়াযীদ তাঁদেরকে বিপুলভাবে সম্মানিত করেন ও মূল্যবান উপঢৌকনাদি দিয়ে সসম্মানে মদীনায় প্রেরণ করেন।

যে তিন দিন হুসায়েন (রাঃ)-এর পরিবার ইয়াযীদের প্রাসাদে ছিলেন, সে তিন দিন সকাল ও সন্ধ্যায় হুসায়েন (রাঃ)-এর দুই ছেলে আলী (ওরফে 'যয়নুল আবেদীন') এবং ওমর বিন হুসায়েনকে সাথে নিয়ে ইয়াযীদ খানা-পিনা করতেন ও আদর করতেন।

ইয়াযীদ বিন মু'আবিয়াহ-র চরিত্র সম্পর্কে হুসায়েন

(রাঃ) -এর অন্যতম বৈমাত্রেয় ছোট ভাই ও শী'আদের খ্যাতনামা ইমাম মুহাম্মাদ ইবনুল হানাফিইয়াহ (রাঃ) বলেন,

"مَا رَأَيْتُ مِنْهُ مَا تَذْكُرُونَ وَقَدْ حَضَرْتُهُ وَأَقَمْتُ عِنْدَهُ
فَرَأَيْتُهُ مُوَظِّبًا عَلَى الصَّلَاةِ مُتَحَرِّيًا لِلْخَيْرِ يَسْأَلُ عَنِ الْفِقْهِ
مُلَازِمًا لِلسُّنَّةِ"

অর্থঃ 'আমি তার মধ্যে ঐ সব বিষয় দেখিনি, যেসবের কথা তোমরা বলছ। অথচ আমি তাঁর নিকটে হাযির থেকেছি ও অবস্থান করেছি এবং তাঁকে নিয়মিতভাবে ছালাতে অভ্যস্ত ও কল্যাণের আকাংখী দেখেছি। তিনি 'ফিক্বহ' বিষয়ে আলোচনা করেন এবং তিনি সুন্নাতের পাবন্দ ছিলেন' (আল-বিদায়াহ ৮ম খন্ড পৃঃ ২৩৬)।

সমুদ্র অভিযান ও রোমকদের রাজধানী কনষ্টান্টিনোপল বিজয়ের ফযীলত সম্পর্কে (রাসূলুল্লা-হ ছাল্লাল্লা-হু আলাইহি অ-সাল্লাম) এরশাদ করেন,

"... وَرَأَيْتُ مِنْهُ مَا تَذْكُرُونَ وَقَدْ حَضَرْتُهُ وَأَقَمْتُ عِنْدَهُ"

"... وَأَقَمْتُ عِنْدَهُ فَرَأَيْتُهُ مُوَظِّبًا عَلَى الصَّلَاةِ مُتَحَرِّيًا لِلْخَيْرِ يَسْأَلُ عَنِ الْفِقْهِ"

"... مُوَظِّبًا عَلَى الصَّلَاةِ مُتَحَرِّيًا لِلْخَيْرِ يَسْأَلُ عَنِ الْفِقْهِ"

অর্থঃ ‘আমার উম্মতের ১ম সেনাবাহিনী যারা সমুদ্র অভিযানে অংশ গ্রহন করবে, তারা জান্নাতকে ওয়াজিব করে নিবে’। অতঃপর তিনি বলেন, ‘আমার... উম্মতের ১ম সেনাবাহিনী যারা রোমকদের রাজধানীতে অভিযান করবে, তারা ক্ষমাপ্রাপ্ত হবে’ (বুখারী ‘জিহাদ’ অধ্যায় ‘রোমকদের বিরুদ্ধে লড়াই’ অনুচ্ছেদ, মীরাট-ভারতঃ ১৩১৮হিঃ ১ম খন্ড পৃঃ ৪০৯-৪১০)।

মুহাল্লাব বলেন, এই হাদীছের মধ্যে হযরত মু‘আবিয়া (রাঃ) ও তাঁর পুত্র ইয়াযীদ-এর মর্যাদার প্রতি ইঙ্গিত রয়েছে। কেননা হযরত ওছমান (রাঃ)-এর খেলাফত কালে (২৩ -৩৫হিঃ) সিরিয়ার গভর্নর থাকাকালীন সময়ে মু‘আবিয়া (রাঃ) ২৭হিজরী সনে রোমকদের বিরুদ্ধে ১ম অভিযান করেন। অতঃপর মু‘আবিয়া (রাঃ)-এর খেলাফত কালে (৪১-৬০হিঃ) ৫১হিজরী মতান্নরে ৪৯হিজরী সনে ইয়াযীদেব নেতৃত্বে রোমকদের বাজধানী কনষ্টান্টিনোপল বিজয়ের উদ্দেশ্যে ১ম যুদ্ধাভিযান প্রেরিত হয়। উক্ত নৌযুদ্ধে ছাহাবী আবু-আইযুব আনছারী (রাঃ) মারা যান ও কনষ্টান্টিনোপলের প্রধান ফটকের মুখে তাঁকে দাফন করার অছিয়ত করেন। অতঃপর সেভাবেই তাঁকে দাফন করা হয়।

কথিত আছে যে, রোমকরা পরে ঐ কুবরের অসীলায়
বৃষ্টি প্রার্থনা করত'। (ফাতহুল বারী, ৬ষ্ঠ খন্ড পৃঃ ১২০-
১২১)।

২৭হিজরীর ১ম যুদ্ধে মু'আবিয়া (রাঃ) রোমকদের
'ক্বাবরাছ' (قَبْرَص) জয় করেন। অতঃপর ৫১হিজরীতে
রোমকদের রাজধানী জয় করে ফিরে এসে ইয়াযীদ হজ্জ
ব্রত পালন করেন (আল-বিদায়াহ, ৮/২৩২পৃঃ)। ইবনু
কাছীর বলেন, 'ইয়াযীদের সেনাপতিত্বে পরিচালিত উক্ত
অভিযানে স্বয়ং হুসায়েন (রাঃ) অংশ গ্রহন করেন (আল-
বিদায়াহ ৮/১৫৩পৃঃ)। এতদ্ব্যতীত যোগদান করেছিলেন,
হযরত আব্দুল্লাহ বিন ওমর, হযরত আব্দুল্লাহ বিন
আব্বাস, আব্দুল্লাহ বিন যুবায়ের, আবু-আইয়ূব আনছারী
প্রমুখ খ্যাতনামা ছাহাবীগণ (ইবনু আছীর, 'তারিখ'
৩/২২৭ পৃঃ-এর বরাতে 'মাহে মুহাররাম পৃঃ ৬৩)।

মৃত্যুকালে মু'আবিয়া (রাঃ) ইয়াযিদকে হুসায়েন
(রাঃ) সম্পর্কে অছিয়ত করে বলেছিলেন,

هو خير مني في الدنيا والآخرة

- ইবনু আছীর

অর্থঃ ‘যদি তিনি তোমার বিরুদ্ধে উত্থান করেন ও তুমি তাঁর উপরে বিজয়ী হও, তাহ’লে তুমি তাঁকে ক্ষমা করবে। কেননা তাঁর রয়েছে রক্ত সম্পর্ক, যা অতুলনীয় এবং রয়েছে মহান অধিকার’ (তারীখে ইবনু খালদুন, বৈরুতঃ ১৩৯১/১৯৭১, ৩য় খন্ড পৃঃ ১৮)। ইবনু আসাকির স্বীয় ‘তারীখে’ ইয়াযীদ-এর মন্দ স্বভাবের বর্ণনায় যে সব উদ্ধৃতি পেশ করেছেন, সে সম্পর্কে ইবনু কাছীর (রাহিমাহুল্লাহ) বলেন,

"وَقَدْ أوردَ ابْنُ عَسَاكِرٍ أَحَادِيثَ فِي ذَمِّ يَزِيدِ بْنِ مُعَاوِيَةَ
كُلِّهَا مَوْضُوعَةٌ لَا يَصِحُّ مِنْهُ شَيْءٌ"

অর্থঃ ‘ইয়াযীদের মন্দ স্বভাব সম্পর্কে ইবনু আসাকির বর্ণিত উক্তি সমূহের সবগুলিই জাল। যার একটিও সত্য নয়’ (আল-বিদায়াহ ৮/২৩৪ পৃঃ)।

মাত্র ৩৭বছর বয়সে মৃত্যু কালে ইয়াযীদের শেষ কথা ছিল ,

اللَّهُمَّ لَا تَوَاجِهْ لِي مِمَّا دِمُّهُمُ وَمِمَّا دِمُّوا لِي
عَبْدُ اللَّهِ بْنِ زِيَادٍ

অর্থঃ ‘হে আল্লাহ! আমাকে পাকড়াও করো না ঐ বিষয়ে যা আমি চাইনি এবং আমি প্রতিরোধও করিনি এবং আপনি আমার ও ওবায়দুল্লাহ বিন যিয়াদের মধ্যে ফায়ছালা করুন! (আল-বিদায়াহ ৮/২৪৯পৃঃ)।

ইয়াযীদ স্বীয় আংটিতে খোদাই করেছিলেন,

أَمَنْتُ بِاللَّهِ الْعَظِيمِ

অর্থঃ ‘আমি ঈমান এনেছি আল্লাহর উপরে যিনি মহান’
(প্রাণ্ডক্ত)।

পর্যালোচনা

শাহাদাতে কারবালার মর্মান্বিক ঘটনার বিষয়ে দু'টি চরমপন্থী দলের তৎপরতা লক্ষ্য করা যায়। একদল হুসায়েন (রাঃ)-এর ভণ্ড সমর্থক কূফার উগ্র শী'আ ও তাদের অনুসারী ঐতিহাসিক ও লেখকবৃন্দ। যারা হুসায়েন (রাঃ)-এর শাহাদাতকে হযরত ওমর, ওছমান, আলী, ত্বালহা, যোবায়ের (রাঃ) প্রমুখ জান্নাতের সুসংবাদ প্রাপ্ত মহান ছাহাবীগণের শাহাদাতের চাইতে উচ্চ মর্যাদায় আসীন করতে চেয়েছেন। এই দলের শীর্ষ স্থানীয় ছিলেন কূফার মোখতার ছাক্বাফী (১-৬৭হিঃ)। ২য় দল হুসায়েন বিদ্রোহী কূফার নাছেবী ফেক্কার কিছু লোক, যারা আলী (রাঃ)-এর প্রতি ও তাঁর বংশের প্রতি সর্বদা বিদ্বেষ পোষণ করত। এরা হুসায়েন (রাঃ)-এর শাহাদাতে খুশী হয়েছিল ও তাঁকে ইসলামের প্রথম বিদ্রোহী ও ঐক্য বিনষ্টকারী হিসাবে আখ্যায়িত করেছিল। এমনকি তারা 'আশুরার দিন খুশী হয়ে ভাল খানাপিনা করলে ও পরিবারের উপরে বেশী বেশী খরচ করলে সারা বছর প্রাচুর্যের মধ্যে থাকা যাবে'- বলে জাল হাদীছ তৈরী করে প্রচার করেছিল। তারা এই দিনকে

‘ঈদের দিন’ গণ্য করে চোখে সুর্মা লাগায়, উত্তম পোষাক পরিধান করে, ভাল খানা পিনা করে ও রাশায় আনন্দ-ফুর্তি করে’ (আল-বিদায়াহ ৮/২০৪পৃঃ)।

এই দলেরই লোক ছিল ইরাকের পরবর্তী নিষ্ঠুর উমাইয়া গভর্নর হাজ্জাজ বিন ইউসুফ ছাক্কাফী (৪১-৯৬হিঃ)। হুসায়েন ভক্ত মোখতার বিন ওবায়েদ আল-কাযযাব ছাক্কাফী এবং হুসায়েন বিদ্বেশী নিষ্ঠুর গভর্নর হাজ্জাজ বিন ইউসুফ ছাক্কাফী দু’জনেই ছিলেন একই গোত্রের লোক। এভাবেই (রাসূলুল্লা-হ ছাল্লাল্লা-হু আলাইহি অ-সাল্লাম)-এর একটি ভবিষ্যদ্বাণী কার্যকর হয়। যেখানে তিনি বলেছিলেন,

إِنَّ فِي تَقْرِيفِ كَذَّابٍ وَمُبِيرٍ

অর্থঃ ‘অতিসত্বর ছাক্কাফী গোত্রে একজন মিথ্যাবাদী ও একজন ধ্বংসকারী ঘাতকের জন্ম হবে’ (মুসলিম, ‘ফাযায়েলে ছাহাবা’ অধ্যায় হা/২৫৪৫। এ. মিশকাত হা/ ৫৯৯৪ ‘কুরাইশ বংশের মর্যাদা’ অনুচ্ছেদ)। খলীফা আব্দুল মালিক বিন মারওয়ানের সময়ে (৬৫-৮৬/৬৮৫-৭০৫) ইরাকের গভর্নর হাজ্জাজ বিন ইউসুফ (৭৬-৯৬/৬৯৪-৭১৪) মক্কা অবরোধ করে হযরত আব্দুল্লাহ ইবনু

যুবায়ের (১-৭৩)-কে হত্যা করার পর তাঁর মা হযরত আসমা বিনতে আবু-বকর (রাঃ)-কে ডেকে পাঠালে তিনি যেতে অস্বীকার করেন। তখন স্বয়ং হাজ্জাজ তাঁর বাড়ীতে এসে রাগতঃস্বরে তাঁকে বলেন, **كَيْفَ رَأَيْتِي**

صَنَعْتَ بِعَدُوِّ اللَّهِ অর্থঃ ‘আল্লাহর শত্রুর সঙ্গে আমি যে আচারণ করেছি, সে বিষয়ে আপনার মত কি? জবাবে অশীতিপর বৃদ্ধা হযরত আসমা (রাঃ) নিভীকচিত্তে বলেন, **رَأَيْتِكَ أَفْسَدْتَ عَلَيَّ دِينَهُ وَأَهْلَهُ عَلَيْكَ أَحْرَقْتَ**

অর্থঃ ‘আমি মনে করি তুমি এর দ্বারা তার দুনিয়া নষ্ট করেছ এবং সে তোমার আখেরাত বরবাদ করেছে’। অতঃপর তিনি উপরোক্ত হাদীছ বর্ণনা করে বলেন, ‘মিথ্যাবাদীকে তো আমরা দেখেছি, এঙ্কনে ধ্বংসকারী হিসাবে আমি তোমাকে ভিন্ন কাউকে মনে করিনা’। মূখের পরে এই কড়া জবাব শুনে হাজ্জাজ চুপচাপ উঠে চলে যায়’। উপরোক্ত দুই চরমপন্থী দলের উত্থানের ফলে মুসলিম সমাজে দু’ধরনের বিদ’আত চালু হয়েছে।

১- ঐদিন শোক ও মর্সিয়ার বিদ’আত

২- ঐদিন খুশী ও আনন্দ প্রকাশের বিদ’আত।

এক্ষেত্রে আহলে সুন্নাত ওয়াল জামা’আতের মধ্যবর্তী

পথ হ'ল এই যে, হুসায়েন (রাঃ) মায়লুম অবস্থায় শহীদ হয়েছিলেন। অতএব রাষ্ট্রীয় নেতৃত্ব বিভক্ত করার বিষয়ে মুসলিম শরীফে বর্ণিত ছহীহ হাদীছটি (মিশকাত 'ইমারাত' অধ্যায় হা/ ৩৬৭৬-৭৭)। তাঁর উপরে প্রযোজ্য নয়। কেননা তিনি প্রকাশ্যে কখনোই ইয়াযীদের বিরুদ্ধে বিদ্রোহ করেননি। বরং মদীনার গভর্ণরের প্রশ্নের জওয়াবে তিনি বলেছিলেন,

"إِنَّمَا مَثَلِي لَأَيُّهَا لَيْسَ لِي فِيكُمْ بِلَاغٌ وَلَا نَكْرَهٌ وَإِنِّي أَسْتَعِينُ بِاللَّهِ عَزَّ وَجَلَّ"

عَنْهُ

অর্থঃ 'আমার মত ব্যক্তি গোপনে বায়'আত করতে পারেনা।... বরং যখন লোকজন সমবেত হবে, তখন আপনি আমাদের ডাকবেন' (আল-বিদায়াহ ৮/১৫০)। এরপর তিনি মক্কায় চলে যান ও কূফাবাসীদের নিরস্ত্র আহ্বানে তিনি সেখানে রওয়ানা হন। পথিমধ্যে তাদের বিশ্বাস ঘাতকতা বুঝতে পেরে তিনি ইয়াযীদের নিকটে বায়'আত করা সহ তিনটি প্রশ্ন পাঠান। অতএব পূর্বে তাঁর বিদ্রোহ প্রমাণিত হয়নি এবং শেষে বরং তাঁর আনুগত্য প্রমাণিত হয়।

হুসায়েন (রাঃ)-এর কূফায় যাত্রার প্রাক্কালে ছাহাবীগণের ভূমিকাঃ

হযরত হুসায়েন (রাঃ) নিহত হওয়ায় ছাহাবায়ে কেরাম চরম ভাবে দুঃখিত ও মম্মাহত হন। কূফায় রওয়ানা হওয়ার প্রাক্কালে হযরত আব্দুল্লাহ বিন আব্বাস ও আব্দুল্লাহ বিন ওমর (রাঃ)-এর ন্যায় জলীলুল কুদর ছাহাবীগণ তাঁকে বারবার নিষেধ করেন এবং আলী (রাঃ) ও হাসান (রাঃ)-এর সাথে কূফাবাসীদের পূর্বেকার বিশ্বাসঘাতকতার কথা তাঁকে জোরালোভাবে স্মরণ করিয়ে দেন। ইবনু আব্বাস ও ইবনু ওমরের বারবার তাকাদা সত্বেও যখন তিনি ফিরলেন না, তখন ইবনু আব্বাস (রাঃ) তাকে বললেন, যদি ইরাকীরা সত্য সত্যই আপনাকে চায়, তবে তারা দলেবলে এসে আপনাকে সসম্মানে নিয়ে যাক। কিন্তু তারা তো কেবল চিঠি দিয়েছে। কিন্তু হুসায়েন (রাঃ) কোন কথা শুনলেন না। অবশেষে বারবার অনুরোধ করে ব্যর্থ হয়ে তিনি বললেন, ইরাকীরা প্রভারক আপনি তাদের ধোকায় পড়বেন না। এর পরেও যদি আপনি নিতান্ই যেতে চান, তবে আমার অনুরোধ আপনি মহিলা ও শিশুদের

নিয়ে যাবেন না। আমি ভয় পাচ্ছি যে, হযরত উছমান (রাঃ) যেভাবে তার স্ত্রী ও সন্তানদের সামনে নিহত হয়েছেন, আপনিও তেমনি ওদের চোখের সামনে নিহত হবেন'। এরপর আব্দুল্লাহ ইবনু ওমর (রাঃ) এসে তাঁকে বুঝালেন। কিন্তু তাতেও তিনি ফিরলেন না। তখন তিনি তাঁকে বুকে জড়িয়ে ধরে কেঁদে বুক ভাসিয়ে শেষ বিদায় দেন এই বলে,

“أَسْتَوْدِعُكَ اللَّهُ مِنْ قَسِيلٍ”

অর্থঃ ‘হে নিহত! আল্লাহর যিম্মায় আপনাকে সোপর্দ করলাম’। এইভাবে একে একে আব্দুল্লাহ ইবনু যুবায়ের, মুহাম্মদ ইবনুল হানাফিইয়াহ, আবু-সাদ্দ খুদরী, আবু-ওয়াক্কিদ লায়ছী, জাবের বিন আব্দুল্লাহ, মিসওয়াল বিন মাখরামাহ, উমরাহ বিনতে আব্দুর রহমান, আবু-বকর বিন আব্দুর রহমান, আব্দুল্লাহ বিন জা‘ফর, আমর বিন সাদ্দ ইবনুল আছ প্রমুখ ছাহাবীগণ তাঁকে কুফায় না যাওয়ার অনুরোধ করেন। বিশেষ করে আবু-বকর বিন আব্দুর রহমান এসে তাঁকে বলেন,

অর্থঃ ‘ওরা দুনিয়ার গোলাম। যারা আপনাকে

সাহায্যের ওয়াদা করেছে, ওরাই আপনার বিরুদ্ধে যুদ্ধ করবে'। কিন্তু সবাইকে নিরাশ করে তিনি জবাব দেন,

"مَهْمَا يَقْضِي اللَّهُ مِنْ أَمْرٍ يَكُنْ"

অর্থঃ 'আল্লাহ যা ফায়ছালা করবেন, তাই-ই হবে'। এই জবাব শুনে আবু-বকর বলে উঠলেন, 'ইন্না লিল্লা-হে অ-ইন্না ইলাইহে রা-জেউন'। হুসায়েনের শাহাদাতের পর জনৈক ইরাকী হযরত আব্দুল্লাহ ইবনু-ওমরের কাছে ইহরাম অবস্থায় মাছি মারা যাবে কি-না জিজ্ঞেস করলে তিনি দুঃখ করে বলেন,

"يَا أَهْلَ الْعِرَاقِ تَسْأَلُونِي عَنْ قَتْلِ الذُّبَابِ وَقَدْ قَتَلْتُمُ ابْنَ
بِنْتِ رَسُولِ اللَّهِ (صَلَّى اللَّهُ عَلَيْهِ وَسَلَّمَ) وَقَالَ النَّبِيُّ (صَلَّى اللَّهُ
عَلَيْهِ وَسَلَّمَ) هُمَا رِيحَانَتَايَ مِنَ الدُّنْيَا"

অর্থঃ 'হে ইরাকীগণ! তোমরা আমার নিকটে মাছি হত্যা সম্পর্কে জিজ্ঞেস করছ? অথচ তোমরা রাসূলুল্লা-হ (ছাল্লাল্লা-হু আলাইহি অ-সাল্লাম)-এর নাতিকে হত্যা করেছ। যাদের সম্বন্ধে তিনি বলেছেন 'এ দু'ভাই দুনিয়াতে আমার সুগন্ধি স্বরূপ'। (বুখারী, ১ম খন্ড পৃঃ ৫৩০। মিশকাত হা/ ৬১৩৬ 'নবী পরিবাবের মর্যাদা' অনুচ্ছেদ)।

হুসায়েন (রাঃ)- এর শাহাদাতে

আহলে সুন্নাতেব অবস্থানঃ

আহলে সুন্নাতে ওয়াল জামা'আতে হুসায়েন (রাঃ)-এর মর্মান্বিক মৃত্যুতে গভীর দুঃখ প্রকাশ করে। কিন্তু তাতে বাড়াবাড়ি করে শী'আদের ন্যায় ঐদিনকে শোক দিবস মনে করেন না। দুঃখ প্রকাশের ইসলামী রীতি হ'ল 'ইন্না লিল্লা-হি অ-ইন্না ইলাইহে রা-জেউন' পাঠ করা। (বাক্কারাহ, ১৫৫) ও তাঁদের জন্য দো'আ করা।

বনী ইস্রাঈলের অসংখ্য নবী নিজ কওমের লোকদের হাতে নিহত হয়েছেন। মুসলমানদের প্রাণপ্রিয় খলীফা হযরত উমার ফারুক্ (রাঃ) মসজিদে নববীতে ফজরের ছালাতরত অবস্থায় মর্মান্বিকভাবে আহত হয়ে পরে শাহাদাত বরণ করেছেন। হযরত ওছমান গণী (রাঃ) ৮৩ বছরের বৃদ্ধ বয়সে নিজ গৃহে কুরআন তেলাওয়াত রত অবস্থায় পরিবারবর্গের সামনে নিষ্ঠুর ভাবে শহীদ হয়েছেন। হযরত আলা (রাঃ) ফজরের জামা'আতে যাওয়ার পথে অতর্কিত আক্রমণ হয়ে শাহাদাত বরণ করেন। তাকে তাঁর হত্যাকারী এবং বিরোধীরা 'কাফের'

ও 'আল্লাহর নিকৃষ্ট সৃষ্টি' (شَرُّ خَلْقِ اللَّهِ) বলতেও কুষ্ঠাবোধ করেনি। যদিও হোসায়েন (রাঃ)-কে তাঁর হত্যাকারীরা কখনো 'কাফের' বলেনি।

হাসান (রাঃ) (৩-৪৯ হিঃ)-কে বিষ প্রয়োগে হত্যা করা হয়। আশারায়ে মুবাশশারাহর অন্যতম সেরা ব্যক্তিত্ব হযরত ত্বালহা ও যুবায়ের (রাঃ) মর্মান্বিকভাবে শহীদ হন। তাঁদের কারু মৃত্যু হুসায়েন (রাঃ)-এর মৃত্যুর চাইতে কম দুঃখজনক ও কম শোকাবহ ছিলনা। কিন্তু কারু জন্য দিনক্ষণ নির্ধারণ করে মাতম করা ও সরকারী ছুটি ঘোষণা করে শোক দিবস পালন করার কোন রীতি কোন কালে ছিল না।, কেননা ইসলামী শরী'আতে এগুলি নিষিদ্ধ।

শী'আ চক্রান্তের ফাঁদে সুন্নীগণ

শী'আ লেখকদের অতিরঞ্জিত লেখনীতে বিভ্রান্ত হয়ে যেমন বহু ইতিহাস লিখিত হয়েছে, তেমনি 'বিষাদ সিন্ধু'-র ন্যায় সাহিত্য সমূহের মাধ্যমে বহু কল্পকথাও এদেশে চালু হয়েছে। বঙ্গদেশের রাজনৈতিক ক্ষমতায় বহু বৎসর যাবৎ শী'আদের অবস্থান থাকার কারণে হুসায়েন (রাঃ) ও কারবালা নিয়ে অলৌকিক সব কল্পকাহিনী এদেশের মানুষের মন-মগযে বদ্ধমূল হয়ে আছে। এছাড়াও তারা অতি সুকৌশলে এদেশের শিক্ষিত সুন্নী মুসলমানদের বিভ্রান্ত করার জন্য কিছু পরিভাষা চালু করে দিয়েছে। যেমন সম্মান প্রকাশের জন্য উপমহাদেশে ছাহাবীগণের নামের পূর্বে 'হযরত' বলা হয় ও শেষে দো'আ হিসাবে 'রাযিয়াল্লা-হু আনহু' বলা হয় ও সংক্ষেপে (রাঃ) লেখা হয়। কিন্তু হযরত হোসায়েন (রাঃ)-এর নামের পূর্বে 'ইমাম' এবং শেষে নবীগণের ন্যায় 'আলাইহিস সালাম' বলা হচ্ছে ও সংক্ষেপে (আঃ) লেখা হচ্ছে। এর কারণ এই যে, শী'আদের আক্বীদা মতে 'ইমামগণ' নবীগণের ন্যায় মা'ছুম বা নিষ্পাপ। হুসায়েন (রাঃ) তাদের অনুসরণীয়

বারো ইমামের অন্যতম। তাদের ভ্রাতৃ আক্বীদা মতে নবীগণের ন্যায় 'ইমামগণ' আল্লাহর পক্ষ হ'তে মনোনীত হন। সেকারণে নবীগণের ন্যায় ইমামগণের নামের শেষে তারা 'আলাইহিস সালাম' বলেন।

পক্ষান্তরে আহলেসুন্নাত ওয়াল জামা'আতের বিশুদ্ধ আক্বীদা মতে ছাহাবীগণ 'মা'ছুম' বা নিষ্পাপ নন এবং তাঁরা নবীগণের সমপর্যায়ভুক্ত নন। অতএব সুন্নী আলেম ও বিদ্বানগণের উচিত হবে শী'আদের সুক্ষ্ম চতুরতা হ'তে সাবধান থাকা; যেন আমাদের ভাষার মাধ্যমে তাদের ভ্রাতৃ আক্বীদার প্রচার না হয়।

ইয়াযীদ-কে আমরা কখনোই 'মালউন' বা অভিশপ্ত বলবোনা। বরং সকল মুসলমানের ন্যায় আমরা তার মাগফেরাতের জন্য দো'আ করব। ইমাম গায্বালী (৪৫০-৫০৫ হিঃ) বলেন, 'হোসায়েনকে তিনি হত্যা করেননি, হত্যা করার হুকুম দেননি, হত্যা করায় খুশীও হননি। এমনকি ওবায়দুল্লাহ ইবনে যিয়াদ প্রেরিত সেনাদলের নেতা ওমর বিন সা'দ সহ বহু সৈন্য হোসায়েন (রাঃ)-কে হত্যার ঘোর বিরোধী ছিলেন। এক পর্যায়ে অন্যতম সৈন্যাধ্যক্ষ কূফার বীর সাল্হান হোর বিন ইয়াযীদ পক্ষত্যাগ করে ইবনে যিয়াদ বাহিনীর বিরুদ্ধে

লড়াই করে নিহত হন। অতএব ইবনে যিয়াদের কঠোর নির্দেশ ও শিমার বিন যিল-জাওশান এর নিষ্ঠুরতাই ছিল এই হত্যাকাণ্ডের জন্য মূলতঃ দায়ী।

উপসংহার

আমাদেরকে কারবালার ঘটনা সম্পর্কে সকল প্রকার আবেগ ও বাড়াবাড়ি হ'তে দূরে থাকতে হবে এবং আশূরা উপলক্ষে প্রচলিত শির্ক ও বিদ'আতা আক্বীদ-বিশ্বাস ও রসম- রেওয়াজ হ'তে বিরত থাকতে হবে। সাথে সাথে নিজেদের ব্যক্তি জীবন ও বৈষয়িক জীবন এবং সর্বোপরি আমাদের রাষ্ট্র ব্যবস্থা ও নেতৃত্ব নির্বাচন ব্যবস্থাকে নিখুঁত ইঁসলামী ছাঁচে ঢেলে সাজাবার দৃঢ় প্রতিজ্ঞা গ্রহণ করতে হবে এবং তা বাস্তবায়নের সর্বাত্মক প্রচেষ্টা চালিয়ে যেতে হবে। আল্লাহ আমাদের তাওফীক দিন। আমীন!!

ح المكتب التعاوني للدعوة والإرشاد بالسلي ١٤٣٢ هـ

فهرسة مكتبة الملك فهد الوطنية أثناء النشر

الغالب , محمد أسد الله

عاشوراء المحرم وواجباتنا / محمد أسد الله الغالب - الرياض،

١٤٣٢ هـ

٤١ ص ، سم

ردمك : ٦-٢٧-٨٠٤٨-٦٠٣-٩٧٨

(النص باللغة البنغالية)

١- فضائل الأيام والشهور ٢- الأشهر الحرم أ، العنوان

ديوي ٣٧ ، ٢٥٢ / ٤٧٢٧ / ١٤٣٢

رقم الإيداع : ٤٧٢٧ / ١٤٣٢

ردمك : ٦-٢٧-٨٠٤٨-٦٠٣-٩٧٨